

十
八
家
詩
鈔

十八家詩鈔卷十九目錄

杜工部五律下三百四首

渡江

寄賀蘭銛

別房太尉墓

自閬州領妻子卻赴蜀山行三首

歸來

過故斛斯校書莊二首

寄邛州崔錄事

嚴鄭公階下新松得霑字

嚴鄭公宅同詠竹得香字

軍中醉歌寄沈八劉叟

村雨

獨坐

倦夜

晚秋陪嚴鄭公摩訶池泛舟得溪字

送舍弟穎赴齊州三首

懷舊

初冬

觀李固請司馬弟山水圖三首

送王侍御往東川放生池祖席

正月三日歸溪上有作簡院內諸公

春日江村五首

春遠

承聞故房相公靈槩自閬州啟殯歸葬東都有作二首

宴戎州楊使君東樓

喜雨

渝州候嚴六侍御不到先下峽

宴忠州使君姪宅

聞高常侍亡

禹廟

題忠州龍興寺所居院壁

哭嚴僕射歸棧

旅夜書懷

雲安九日鄭十八攜酒陪諸公宴

別常徵君

長江二首

懷錦水居止二首

將曉二首

遣憤

又雪

雨

南楚

子規

船下夔州郭宿雨溼不得上岸別王十二判官

移居夔州郭

曉望白帝城鹽山

上白帝城

灩澦堆

憶鄭南

奉寄李十五祕書文疑二首

熱三首

晚晴

雨

白鹽山

送十五弟侍御使蜀

中宵

不寐

中夜

垂白

草閣

江月

月圓

宿江邊閣

西閣雨望

雨四首

江上

雨晴

西閣夜

月

西閣三度期大昌嚴明府同宿不到
巫峽敝廬奉贈侍御四舅別之澧朗

第五弟豐獨在江左近三四載寂無消息竟使寄此二首
九日諸人集于林

洞房

宿昔

能盡

鬪雞

歷歷

洛陽

驪山

提封

覆舟二首

送李功曹之荊州充鄭侍御判官重贈

夜宿西閣曉呈元二十一曹長

西閣口號呈元二十一

不離西閣二首

竄鏡呈柏中丞

陪柏中丞觀宴將士二首

峽口二首

瞿塘兩崖

送鮮于萬州遷巴州

奉送十七舅下邵桂

寄杜位

灑西寒望

江梅

庭草

鸚鵡

孤雁

鷗

猿

鹿

雞

黃魚

白小

老病

雨

晴二首

奉送韋中丞之晉赴湖南

別崔暹因寄薛據孟雲卿

送王十六判官

王十五前閣會

懷灞上遊

熟食日示宗文宗武

又示兩兒

入宅三首

卜居

暮春題灑西新賃草屋五首

過客相尋

豎子至

得舍弟觀書自中都已達江陵今茲暮春月末行李合到
夔州悲喜相兼團圓可待賦詩卽事情見乎詞

喜觀卽到復題短篇二首

舍弟觀歸藍田迎新婦送示兩篇

園

歸

聞惠二過東溪特一送

月三首

晨雨

夜雨

更題

溪上

樹閒

白露

吾宗

秋日寄題鄭監湖上亭三首

社日兩篇

八月十五夜月二首

十六夜翫月

九夜對月

九月一日過孟十二倉曹十四主簿兄弟

孟氏

孟倉曹步趾領新酒醬二物滿器見遺老夫

送孟十二倉曹赴東京選

憑孟倉曹將書覓土婁舊莊

秋野五首

課小豎鋤斫舍北果林枝蔓荒穢淨訖移牀三首

季秋蘇五弟纓江樓夜宴崔十三評事韋少府姪三首

戲寄崔評事表姪蘇五表弟韋大少府諸姪

季秋江村

小園

自灑西荆扉且移居東屯茅屋四首

東屯北崦

從驛次草堂復至東屯茅屋二首

暫往白帝復還東屯

茅堂檢校收稻二首

刈稻了詠懷

晚晴吳郎見過北舍

九日二首

秋峽

秋清

峽隘

曉望

搖落

日暮

耳聾

大歷二年九月三十日

十月一日

孟冬

獨坐二首

戲作俳諧體遣悶二首

謁真諦寺禪師

奉送卿二翁統節度鎮軍還江陵

送田四弟將軍將夔州柏中丞命起居江陵節度使陽城

郡王衛公幕

玉腕驪

題柏大兄弟山居屋壁二首

白帝樓

白帝城樓

有歎

江漲

人日

巫山縣汾州唐使君十八弟宴別兼諸公攜酒樂相送率

題小詩畱於屋壁

遠遊

歸雁

春夜峽州田侍御長史津亭畱宴

泊松滋江亭

乘雨入行軍六弟宅

上巳日徐司錄林園宴集

冥胡侍御書堂

和江陵宋大少府暮春雨後同諸公及舍弟冥書齋
暮春陪李尚書李中丞過鄭監湖亭泛舟得過字韻
夏日楊長甯宅送崔侍御常正字入京得深字韻

江邊星月二首

舟月對驛近寺

舟中

江漢

地隅

移居公安山館

重題

哭李常侍嶧二首

官亭夕坐戲簡顏十少府

公安縣懷古

宴王使君宅題二首

公安送李二十九弟晉肅入蜀余下沔鄂

久客

冬深

泊岳陽城下

纜船苦風戲題四韻奉簡鄭十三判官

登岳陽樓

陪裴使君登岳陽樓

登白馬潭

南征

歸夢

宿青草湖

宿白沙驛

湘夫人祠

祠南夕望

野望

發潭州

雙楓浦

入喬口

銅官渚守風

衡州送李大夫七丈勉赴廣州

江閣對雨有懷行營裴二端公

江閣臥病走筆寄呈崔盧兩侍御

潭州送韋員外迢牧韶州

酬韋韶州見寄

樓上

晚秋長沙蔡五侍御飲筵送殷六參軍歸澧州覲省

北風

舟中夜雪有懷盧十四侍御弟

對雪

歸雁二首

送趙十七明府之縣

奉酬寇十侍御錫見寄四韻復寄寇

暮秋將歸秦畱別湖南親友

十八家詩鈔卷十九目錄

善化黃維申襄校

十八家詩鈔卷十九

湘鄉曾國藩纂 合肥李鴻章審訂 東湖王定安校

杜工部五律下三百四首

渡江

春江不可渡。二月已風濤。舟楫歛斜疾。魚龍偃臥高。潛花張一作兼素錦。汀草亂青袍。戲間垂綸客。悠悠見一作是汝曹。

寄賀蘭鈞

朝野歡娛後。乾坤震蕩中。相隨萬里日。總作白頭翁。歲晚仍分袂。江邊更轉蓬。勿云俱異域。飲啄幾回同。

別房太尉墓

他鄉復行役。駐馬別孤墳。近淚無乾土。低空一作空山有斷雲。對碁陪謝傅。把劍覓徐君。唯見林花落。鶯嘯送客聞。

自閬州領妻子卻赴蜀山行三首

汨汨避羣盜。悠悠經十年。不成向南國。復作遊西川。物役水虛照。魂傷山寂然。我生無倚著。盡室畏途邊。

長林偃風色。迴復

一作首

意猶迷杉裏。翠微潤馬銜。青草嘶

一作

懸斜避石橋。斷卻尋溪。何日干戈盡。飄飄愧老妻。

行色遞隱見。人煙時有無。僕夫穿竹語。穉子入雲呼。轉石驚魑魅。抨弓落狢鼯。真供一笑樂。似欲慰窮途。

歸來

客裏有所適

一作過

歸來知路難。開門野鼠走。散帙壁魚乾。洗杓

開

一作掛

新醞低頭著。小冠憑誰給。麴蘖細酌老江干。

過故斛斯校書莊二首

自注老儒艱難時病於庸蜀。歎其沒後方授一官。

此老已云沒。鄰人嗟未

亦一作

休。竟無宣室召。徒有茂林求。妻子

寄他食園林。非昔遊空餘

一作堂

總帷在浙浙。野風秋

鷺入非傍舍。鷗歸祇故池。斷橋無復板。臥柳自生枝。遂有山陽

作多慚。鮑叔知素交。零落盡白首。淚雙垂。

寄邛州崔錄事

邛州崔錄事。聞在果園坊。久待無消息。終朝有底忙。應愁江樹

遠。怯見野亭荒。浩蕩風塵

一作煙

外

一作際

誰知酒熟香。

嚴鄭公階下新松得霑字

弱質豈自負移根方爾瞻細聲聞

一作侵

玉帳疏翠近珠簾未見

紫煙集虛蒙清露霑何當一百丈欹蓋擁高檐

嚴鄭公宅同詠竹得香字

綠竹半含籟新梢纔出牆色侵書帙晚陰過酒樽涼雨洗涓涓
淨風吹細細香但令無翦伐會見拂雲長

軍中醉歌寄沈八劉叟

酒渴愛江清餘甘漱晚汀軟沙欹坐穩冷石醉眠醒野膳隨行
帳華音發從伶數杯君不見都

一作醉

已遣沈冥

村雨

雨聲傳兩夜。寒事颯高秋。攬一作挈帶看朱紱。開箱覩黑裘。世情
祇益睡。盜賊敢忘憂。松菊新霑洗。茅齋慰遠遊。

獨坐

悲秋迴白首。倚杖背孤城。江斂洲渚出。天虛風物清。滄溟恨一作
服衰謝。朱紱負平生。仰羨黃昏鳥。投林羽翮輕。

倦夜

竹涼侵臥內。野月滿庭隅。重露成涓滴。稀星乍有無。暗飛螢自
照水宿。鳥相呼。萬事干戈裏。空悲清夜徂。

晚秋陪嚴鄭公摩訶池泛舟得溪字

滯駛風醒酒。船迴霧起隄。高城秋自落。雜樹晚相迷。坐觸鴛鴦

起巢傾翡翠低莫須驚白鷺爲伴宿青溪一作清

送舍弟穎赴齊州三首

岷嶺南蠻北徐關東海西此行何日到送汝萬行嗚絕域惟高
枕清風獨杖藜危時暫相見衰白意都迷
風塵暗不開汝去幾時來兄弟分離苦形容老病催江通一柱
觀日落望鄉臺客意長東北齊州安在哉

諸姑今海畔

錢箋公作范陽太君盧氏墓誌審言之女薛氏所出者適魏上瑜裴榮期盧正均皆前卒盧氏所出

賀適京兆王佑會稽賀搗會稽瀨於海也

兩弟亦山東去傍干戈覓來看道路通短

衣防戰地匹馬逐秋風莫作俱流落長瞻碣石鴻

懷舊

地下蘇司業情親獨有君那因喪亂後便作死生分老罷知明
鏡悲來望白雲自從失詞伯不復更論文

元注公前名預因避御諱改爲源明

初冬

垂老戎衣窄歸休寒色深漁舟上急水獵火著高林日有習池
醉愁來梁父吟干戈未偃息出處遂何心

觀李固請司馬弟山水圖三首

易簡

一作簡

高人意

一作體

匡牀竹火爐

寒天畱遠客

碧海挂新圖

雖對連山好貪看絕島孤羣仙不愁思冉冉下蓬壺

方丈渾連水天臺總映雲人間長見畫老去

一作身老

恨空聞范蠡

舟偏小王喬鶴不羣此生隨萬物何路出塵氛

一

二

三

四

五

六

七

八

九

十

十一

十二

十三

高浪垂翻屋崩崖欲壓牀野橋分子細沙岸繞微茫紅浸珊瑚
短青懸薜荔長浮查竝坐得一作相竝坐仙老暫相將

送王侍御往東川放生池祖席

東川詩友合此贈怯輕爲況復傳宗匠空然惜別離梅花交近
野草色向平池儻憶江邊臥歸期願早知

正月三日歸溪上有作簡院內諸公

野外堂依竹籬邊水向城蟻浮乃臘味鷗泛已春聲藥許鄰人
刷書從穉子擎白頭趨幕府深覺負平生

春日江村五首

農務村村急春流岸岸深乾坤萬里眼時序百年心茅屋還堪

賦桃源自可尋艱難一作生理飄泊到如今

迢遞來三蜀蹉跎有六年客身逢故舊發興自林泉過嬾從衣

結頻遊任履穿藩籬一作無限

限景

恣意向一作買

江天

種竹交加翠栽桃爛漫紅經心石鏡月到面雪山風赤管隨王命銀章付老翁豈知齒身落名玷薦賢中

扶病垂朱紱歸休步紫苔郊扉存晚計幕府媿羣材燕外晴絲卷鷗邊水葉開鄰家送魚鼈問我數能來

羣盜哀王粲中年召賈生登樓初有作前席竟爲榮宅入先賢傳才高處士名異時懷二子春日復含情

春遠

自此以上皆入蜀居成都草堂中

八

開廣梓州閬州及再至成都之詩

五律 杜甫下

蕭蕭花絮晚菲菲紅葉輕日長唯鳥雀春遠獨柴荆數有關中
亂何曾劔外清故鄉歸不得地入亞夫營

承聞故房相公靈輓自閩州啟殯歸葬東都有作二首

遠聞房太尉

一作非

歸葬陸渾山一德興王後孤魂久客聞孔明

多故事安石竟崇班他日嘉陵淚仍霑楚水還

丹旄飛飛日初傳發閩州風塵終不解江漢忽同流劔動親身

匣書歸故國樓盡哀知有處爲客恐長休

宴戎州楊使君東樓

以下皆過戎州渝州及居雲安夔州之詩

勝絕驚身老情忘發興奇座從歌妓密樂任主人爲重碧拈

作醉一春簡

一作酒

錢箋元稹元日詩羞看穉子先拈酒白樂天歲假詩歲酒先拈辭不得拈酒唐人語也作醉非

是輕紅擘荔枝樓高欲愁思橫笛未休吹

喜雨

南國旱無雨今朝江出雲入空纔漠漠灑迴已紛紛巢燕高飛
盡林花潤色分晚來聲不絕應得夜深聞

渝州候嚴六侍御不到先下峽

聞道乘驄發沙邊待至今不知雲雨散虛費短長吟山帶烏蠻
閣江連白帝深船經一柱觀畱眼共登臨

宴忠州使君姪宅

出守吾家姪殊方此日歡自須遊阮舍一作巷不是怕湖灘樂助

長歌逸

一作送

杯饒旅思寬昔曾如意舞牽牽強爲看

家言錄 卷十九
聞高常侍亡

元注忠州作

歸朝不相見。蜀使忽傳亡。虛歷金華省。何殊地下郎。致君丹檻折。哭友白雲長。獨步詩名在。祇令故舊傷。

禹廟

禹廟空山裏。秋風落日斜。荒庭垂橘柚。古屋畫龍蛇。雲氣噓青壁。一作生虛江聲走白沙。早知乘四載。疏鑿控三巴。

題忠州龍興寺所居院壁

忠州三峽內。井邑聚雲根。小市常爭米。孤城早閉門。空看過客淚。莫覓主人恩。淹泊一作薄仍愁虎。深居賴獨園。

哭嚴僕射歸櫬

素幔隨流水歸舟返舊京老親如一作知宿昔部曲異平生風逆

一作

蛟龍匣

一作雨

天長驃

一作票

騎營一哀三峽暮遺後見君情

旅夜書懷

細草微風岸危檣獨夜舟星垂平野闊月湧大江流名豈文章

著官應

一作因非

老病休飄零

一作細

何所似天地一沙

鷗

星垂俗本

作星隨

雲安九日鄭十八攜酒陪諸公宴

寒花開已盡蕊獨盈枝舊摘人頻異輕香酒斝隨地偏初衣

袂

同拾

山擁更登危萬國皆戎馬酣歌淚欲垂

別常徵君

兒扶猶杖策臥病一秋強白髮少新洗寒衣寬總長故人憂見

及此別淚相忘各逐萍流轉來書細作行

長江二首

眾水會涪萬瞿塘爭一門朝宗人共挹盜賊爾誰尊孤石隱如

馬高蘿垂飲猿歸心異波浪何事卽飛翻

浩浩終不息乃知東極臨眾流歸海意萬國奉君心色借瀟湘

闊聲驅灩澦沈

一作深

未辭添霧雨接上過

一作遇

衣襟

懷錦水居止二首

軍旅西征僻風塵戰伐多猶聞蜀父老不忘舜謳歌天險終難

立柴門豈重過

謂此生不復能經過成都草堂也

朝朝巫峽水遠逗錦江

波

萬里橋西一作南宅。百花潭北莊。層軒皆面水。老樹飽經霜。雪嶺
界天白。錦城曠日黃。惜哉形勝地。回首一茫茫。

將曉二首

石城除擊柝。鐵鎖欲開關。鼓角悲荒塞。星河落曙山。巴人常小
梗。蜀使動無還。垂老孤帆色。飄飄犯百蠻。巴人二句應作一氣讀。謂巴人之往成都

者常被梗阻不得還歸也

軍吏回官燭。舟人自楚歌。寒沙蒙薄霧。落月去清波。壯惜身名
晚。衰慚應接多。歸朝日。簪笏筋力定如何。

遣憤

聞道花門將。論功未盡歸。自從收帝里。誰復總戎機。蕭蕭終懷

毒雷霆可震威莫令鞭血地再溼漢臣衣

又雪

南雪不到地青崖霜未消微微向日薄脈脈去人遙冬熱鴛鴦病峽深豺虎驕愁邊有江水焉得北之朝

雨

冥冥甲子雨已度立春時輕箑煩一作須相向纖絺恐自疑煙添纔有色風引更如絲直覺巫山暮兼催宋玉悲

南楚

南楚青春異暄寒早早分無名江上草隨意嶺頭雲正月蜂相見非時鳥共聞杖藜妨躍馬不是故離羣

子規

峽裏雲安縣江樓翼瓦齊兩邊山木合終日子規嗁眇眇春風

見蕭蕭夜色淒

樓一作

客愁那聽此故作傍人低

一作故傍旅人低

船下夔州郭宿雨溼不得上岸別王十二判官

依沙宿舸船石瀨月涓涓風起春燈亂江鳴夜雨懸晨鐘雲岸

一作

溼勝地石堂煙

一作

柔櫓輕鷗外含情

一作

巽汝賢

移居夔州郭

伏枕雲安縣遷居白帝城春知催柳別江與放船清農事聞人

說山光見鳥情禹功饒斷石且就土微平

曉望白帝城鹽山

錢箋水經注廣谿峽其開三十里頽巖倚木厥勢殆交北岸山上有神淵淵北

有白鹽崖高可千餘丈土人見其高白因以名之方輿
勝覽在城東七十里崖壁五十餘里其色炳耀狀若白
鹽

徐步攜班杖看山仰白頭翠深開斷壁紅遠結飛樓日出清

一作

寒江望暄和散旅愁春城見松雪始擬進歸舟

上白帝城

城峻隨天壁樓高更

一作望

女牆江流思夏后風至憶襄王老去

聞悲角人扶報夕陽公孫初恃險躍馬意何長

灩澦堆

巨石水中央江寒出水長沈牛答雲雨如馬戒舟航天意存傾
覆神功接混茫干戈連解纜行止憶垂堂

憶鄭南

錢箋寺名伏毒在華州鄭南縣劉禹錫別集云舅氏牧華州前後山華觀謁陪登伏毒寺曾題詩於

梁今典馮翊南望三峯浩然生思寄詩云曾作關中客頻經伏毒巖晴煙沙苑樹晚日渭川帆

鄭南伏毒寺瀟灑到江心石影銜珠閣泉聲帶玉琴風杉曾曙倚雲嶠憶春臨萬里蒼茫一作水外龍蛇祇自深

奉寄李十五祕書文嶷二首

避暑雲安縣秋風早下來暫留之

一作魚復浦同過楚王臺猿鳥

千崖窄江湖萬里開竹枝歌未好畫舸莫遲回

竹枝歌巴渝之遺音惟賦人善

行李千金贈衣冠八尺身飛騰知有策意度不無神班秩兼通貴公侯出異人玄成負文彩世業豈沈淪

熱三首

雷霆空霹靂雲雨竟虛無
炎赫衣流汗低垂氣不蘇
乞爲寒水玉願作冷秋菰
那一作何似兒童歲風涼出舞雩

瘴雲終不滅瀘水復西來
閉戶人高臥歸林鳥卻迴
峽中都似

火江上祇空閒一作雷想見陰宮雪
風門颯沓一作踏開

朱李沈不冷測胡一作菰炊屢新
將衰骨盡痛被暘一作榻非味空頻

歛翕炎蒸景飄颻征戍人
十年可解甲爲爾一露巾

晚晴

返一作晚照斜初徹一作散浮雲薄未歸
江虹明遠飲峽雨落餘飛

鳧雁一作鵝終高去熊羆覺自肥
秋分客尙在竹露夕一作久微微

雨

萬木雲深隱連山雨未開風扉掩不定水鳥過去一作仍迴鮫館如鳴杼樵舟豈伐枚清涼破炎毒衰意欲登臺

白鹽山

卓立羣峰外蟠根積水邊錢箋州州記曰三峽之首北岸有白鹽峯峯下有黃龍灘水潏急沿沂所

忍故曰積水邊也他皆任厚地爾一作獨近高天白榜千家邑清秋萬

估一作古船詞人取佳句刻畫竟誰一作難傳

送十五弟侍御使蜀

喜弟文章進添予別興牽數杯巫峽酒百丈內江船未息豺狼

鬪空催犬馬年歸朝多便道搏擊望秋天

中宵

西閣百尋餘。中宵步綺疏。飛星過水白。落月動沙虛。擇木知幽鳥。潛波想巨魚。親朋滿天地。兵甲少來書。

不寐

瞿塘夜水黑。城內改更籌。騎騎月沈霧。輝輝星近樓。氣衰甘少寐。心弱恨容一作多愁。多壘滿山谷。桃源無一作處求。

中夜

中夜江山靜。危樓望北辰。長爲萬里客。有愧百年身。故國風雲氣。高堂戰伐塵。胡雛負恩澤。嗟爾太平人。

垂白

垂白馮唐老。清秋宋玉悲。江喧長少睡。樓迴獨移時。多難身何補。無家病不辭。甘從千日醉。未許七哀詩。

草閣

草閣臨無地。柴扉永不關。魚龍迴夜水。星月動秋山。夕一作露

晴清一作初溼。高雲薄未還。泛舟慚小婦。飄泊損紅顏。

江月

光於一作水。高樓思殺人。天邊長作客。老去一霑巾。玉露

溥一作清影。銀河沒半輪。誰家挑錦字。燭滅翠眉顰。

孤月當樓滿。寒江動夜扉。委波金不定。照席綺逾依。未缺空山

靜高懸列宿稀故園松桂發萬里共清輝

宿江邊閣

暝色延山徑高齋次水門薄雲巖際宿孤月浪中翻鶴鶴追飛

靜盡

一作

豺狼得食喧不眠憂戰伐無力正乾坤

西閣雨望

樓雨霑雲幔山寒

一作高

著水城逕添沙面出湍減石稜生菊蕊

淒疏放松林駐遠情滂沱朱檻溼萬客傍

一作應倚檐楹

雨四首

微雨不滑道斷雲疏復行紫崖奔處黑白鳥去邊明秋日新霽

影寒江舊落聲柴扉臨野碓半溼

一作得

搗香秬

江雨舊無時。天晴忽散絲。暮秋霜物冷。今日過雲遲。上馬回休
出看鷗坐不移。高層一作軒當灑瀕潤色靜書帷。

物色歲將晏。天隅人未歸。朔風鳴淅淅。寒雨下霏霏。多病久加
飯。衰容新授衣。時危覺凋喪。故舊短書稀。
楚雨石苔滋。京華消息遲。山寒青兕叫。江晚白鷗飢。神女光鈿
落。鮫人織杼悲。繁憂不自整。終日灑如絲。

江上

江上日多雨。一作蕭蕭荆楚秋。高風下木葉。永夜攬一作貂裘。
勳業頻看鏡。行藏獨倚樓。時危思報主。衰謝不能休。

雨晴

雨時山不改晴罷峽如新天路看殊俗秋江思殺人有猿揮淚
盡無犬附一作送書頻故國愁眉外長歌欲損神

西閣夜

恍惚寒江舊作山暮透迤白霧昏山虛風落石樓靜月侵門擊柝
可憐子無衣何處村時危關百慮盜賊爾猶存

月

四更山吐月殘夜水明樓塵匣元開鏡風簾自上鉤兔應疑鶴
髮蟾亦戀貂裘斟酌姮一作嫦娥寡天寒柰一作耐九秋

西閣三度期大昌巖明府同宿不到

問子能來宿今宜索故要匣琴虛夜夜手板自朝朝金吼霜鐘

徹花催蠟炬。銷早鳧。江檻底雙影漫飄。颯。

巫峽敞廬奉贈侍御四舅別之澧朗

江城秋日落山鬼閉門中行李淹吾舅誅茅問老翁赤眉猶世亂青眼祇途窮。傳語桃源客人今出處同。

第五弟豐獨在江左近三四載寂無消息覓使寄此二首

亂後嗟吾在羈棲見汝難草黃騏驥病沙晚一作暖鵲鴿寒楚設

關城險吳吞水府寬十年朝夕淚衣袖不曾乾

聞汝依山寺杭州定越州風塵淹別日江漢失清秋影著嘒猿樹魂飄結蜃樓明年下春水東盡白雲求

九日諸人集于林

九日明朝是相要舊俗非老翁難早出賢客幸知歸舊采黃花
贖新梳白髮微漫看年少樂忍淚已沾衣

洞房

洞房環珮冷玉殿起秋風秦地應新月龍池滿舊宮

錢箋唐樂志龍池樂

玄宗所作也玄宗龍潛之時宅在隆慶坊宅南坊人所居變爲池望氣者亦異焉玄宗正位以坊爲宮池水逾大游漫數里爲此樂以致其祥也南部新書興慶宮九龍池在大同殿古基之南西對瀛州門周環數頃水極深廣北望之渺然東西微狹中有龍源泉源不竭雖繫舟今夜遠清漏往時同萬里黃山北園歷冬夏未嘗耗減

陵白露中

宿昔

宿昔青門裏蓬萊仗數移花嬌迎雜樹龍喜出平池落日墮于

母微風倚少兒宮中行樂祕少有外人知

能畫

能畫毛延壽投壺郭舍人每蒙天一笑復似物皆一作春政化
平如水皇明一作斷若神時時用抵戲亦未雜風塵

鬪雞

鬪雞初賜錦錢箋東城父老傳明皇以乙酉生而喜鬪雞是兆
金銀之賜舞馬一作登牀勤政樓教坊為角無戲鬪雜宮人
日至其家舞馬一作解錦繡自韓中擊雷鼓為破陣樂又令教舞
數百飾以珠翠衣以錦繡目為某家寵某家驕時塞外以善馬
馬四蹶各為左右分無不曲盡其妙因衣施三層板以金鈴
來貢者上俾之教習無不曲盡其妙因衣施三層板以金鈴
飾其鬪雜以珠玉奮首鼓尾縱橫應節又施三層板以金鈴
於上扑轉如飛或命壯士舉榻馬舞於榻上樂工數十人立於
前後左右皆衣淡黃衫文玉帶安祿山亂馬散落人間田承嗣

十大家詩

卷十九

五律

杜甫下

五

得之一日單中大饗馬聞樂簾下宮人出樓前御曲柳一作長仙
而舞承嗣以爲妖而殺之
遊終一閼女樂久無香寂寞驪山道清秋草木黃

歷歷

歷歷開元事分明在眼前無端盜賊起忽已歲時遷巫峽西江
外秦城北斗邊爲郎從白首臥病數秋天

洛陽

洛陽昔陷沒胡馬犯潼關天子初愁思都人慘別顏清笳去宮
闕翠蓋出關山故老仍流涕龍髯幸再攀

驪山

驪山絕望幸花萼罷登臨錢箋鄭繁傳信記上於東都起五王宅於上都置花萼樓蓋與諸王爲會

集宴樂之地上與諸王靡日不會聚杜
云花萼罷登臨蓋是時明皇已厭世矣
地下無朝燭人間有賜
金鼎湖龍去遠銀海雁飛深萬歲蓬萊日長懸鷲羽林錢箋玄宗用萬

騎軍平章庶人之難以登大位萬騎本隸左右
羽林後改爲龍武軍與左右羽林爲北四門軍

提封

提封漢天下萬國尙同心借問懸軍一作守何如儉德臨時徵

俊父入莫慮

一作草竊

犬羊侵願戒兵猶火恩加四海深

按此八首當爲一時

所作可作一章讀洞房宿昔能畫圖雞四首追憶開元盛時宮中淫樂之事歷歷一首自歎今日在夔淒涼之狀洛陽驪山二首弔明皇之不終提封一首懲前而思所以感後也

覆舟二首

巫峽盤渦曉黔陽貢物秋丹砂同隕石翠羽共沈舟羈使空斜

影龍居

一作宮

闕積流篙工幸不溺俄頃逐輕鷗

竹宮時望拜桂館或求仙姹女淩波日神光照夜年徒聞斬蛟

劍無復繫犀船使者隨秋色迢迢獨上天

送李功曹之荊州充鄭侍御判官重贈

曾聞宋玉宅每欲到荊州此地生涯晚遙悲

一作通

水國秋孤城

一柱飄落日九江流使者雖光彩青楓遠自愁

夜宿西閣曉呈元二十一曹長

城暗更籌急樓高雨雪微稍通綃幕霽遠帶玉繩稀門鵲晨光

起

一作曹

檣烏宿處飛寒江流甚細有意待人歸

西閣口號呈元二十一

山木抱雲稠。寒空繞上頭。雪巖纔變石。風幔不依樓。社稷堪流涕。安危在運籌。看君話王室。感動幾銷憂。

不離西閣二首

江柳非時發。江花冷色頻。地偏應有瘴。臘近已含春。失學從愚子。無家任老身。不知西閣意。肯別定畱人。

末句言不知西閣之意。肯別我乎。抑定畱

乎人

西閣從人別。人今亦故亭。江雲飄素練。石壁斷空青。滄海先迎日。銀河倒列星。平生耽勝事。吁駭始初經。

覽鏡呈柏中丞

渭水流關內。終南在日邊。膽銷豺虎窟。淚入犬羊天。起晚堪從

事行遲更學仙

舊注凡仕者必早起起晚矣尙堪從事乎鏡中
學仙者必身輕步疾行遲矣更可學仙乎鏡中

衰謝色萬一故人憐

陪柏中丞觀宴將士二首

極樂三軍士誰知百戰場無私齊綺饌久坐密金章醉客霑鸚鵡佳人指鳳凰幾時來翠節特地引紅妝

繡段裝檐額金花帖鼓腰一夫先舞劔百戲後歌鐮

一作江樹

峽口二首

峽口大江間西南控百蠻城欵連粉堞岸斷更青山開關當天險防隅一水關亂離聞鼓角秋氣動衰顏

時清關失險。世亂戟如林。去矣英雄事。荒哉割據心。蘆花畱客
晚。楓樹坐猿深。疲茶煩親故。諸侯數賜金。自注主人相中丞頗分月俸

瞿塘兩崖

三峽傳何處。雙崖壯此門。入天猶石色。穿水忽雲根。猿獮鬚
古蛟龍窟。宅尊羲和冬。馭近愁畏日。車翻

送鮮于萬州遷巴州

京兆先時傑。琳琅照一門。朝廷偏注意。接近與名藩。祖帳排舟
數。寒江觸石喧。看君妙爲政。他日有殊恩。

奉送十七舅下邵桂

絕域三冬暮。浮生一病身。感深辭舅氏。別後見何人。縹緲蒼梧

帝推遷孟母鄰昏昏阻雲水側望苦傷神

寄杜位

自注頃者與位同
在故嚴尚書第

寒日經檐短窮猿失木悲
峽中爲客恨江上憶君時
天地身何在一作風塵病敢辭
封書兩行淚霑灑衰新詩

灑西寒望

水色含羣動朝光切太虛
年侵一作終頻悵望興遠一蕭疏
猿挂時相學鷗行炯自如
瞿塘春欲至定卜灑西居

江梅

梅蕊臘前破梅花年後多
絕知春意好一作早最柰客愁何
雪樹元同色江風亦自波
故園不可見巫岫鬱嵯峨

庭草

楚草經寒碧。庭春入眼濃。舊低收葉舉。新掩卷身重。步履宜輕。過開筵得屢。俱看花隨節序。不敢強爲容。

鸚鵡

一作翦羽

鸚鵡含愁思。聰明憶別離。翠衿渾短盡。紅觜漫多知。未有開籠日。空殘舊宿枝。世人憐復損。何用羽毛奇。

孤雁

孤雁不飲啄。飛鳴聲念羣。誰憐一片影。相失萬重雲。望斷一作盡似猶見。哀多如更聞。野鷗無意緒。鳴噪亦自一作紛紛紛。

鷗

江浦寒鷗戲無他亦自饒卻思翻玉羽隨意點春苗雪暗還須浴一作落風生一任飄幾羣滄海上清影日蕭蕭

猿

裊裊嘒虛壁蕭蕭挂冷枝艱難人免隱見爾如知慣習元從眾全生或用奇前林騰每及父子莫相離

鹿

永與清溪別蒙將玉饌俱無才逐仙隱不敢恨庖廚亂世輕全物微聲及禍樞衣冠兼盜賊饕餮用斯須

雞

紀德名標五初鳴度必三殊方聽有異失次曉無慚問俗人情

似充庖爾輩堪氣交亭育際巫峽漏司南

黃魚

日見巴東峽黃魚出浪新脂膏兼飼犬長大不容身筒桶相浴
久風雷宵爲伸一作神泥沙卷涎沫回首怪龍鱗

白小

白小羣分命天然二寸魚細微霑水族風俗當園蔬入肆銀花
亂傾筐雪片虛生成猶拾卵盡取義何如

老病

老病巫山裏稽留楚客中藥殘他日裏花發去年叢夜足霑沙
雨春多逆水風合分雙賜筆錢箋漢官儀尚書丞郎月給赤管大筆一雙輸糜墨一枚猶作

一飄蓬

雨

始賀天休雨。還嗟地出雷。驟看浮峽過。密作渡江來。牛馬行無色。蛟龍鬪不開。干戈盛陰氣。未必自陽臺。

晴二首

久雨巫山暗。新晴錦繡文。

一作

碧知湖外草。紅見海東雲。竟日

鶯相和。摩霄鶴數羣。野花乾更落。風處急紛紛。

嗁鳥爭引子。鳴鶴不歸林。下食遭泥去。高飛恨久陰。雨聲衝塞盡。日氣射江深。回首周南客。驅馳魏闕心。

奉送韋中丞之晉赴湖南

寵渥徵黃漸權宜借寇頻湖南安背水峽內憶行春王室仍多

故難

一作

蒼生倚大臣還將徐孺榻處待高人

別崔暹因寄薛據

即

孟雲卿

自注內弟撰赴湖南幕職

志士惜妄動知深難固辭如何久磨礪但取不磷緇夙夜聽憂

主飛騰急濟時荆州遇

一作

薛孟爲報欲論詩

送王十六判官

客下荆南盡君今復入舟買薪猶白帝鳴櫓已沙頭

錢箋吳若本注江陵

吳船至泊於郭外沙頭入蜀記過白湖拋江至升子鋪日入泊沙市自公安至此六十里自此至荆南陸行十里舟不復進矣

老杜云買薪猶白帝鳴櫓已沙頭又劉夢得云沙頭櫓干上衡始見春江闊皆謂此也方輿勝覽沙頭市至江陵城十五里衡

霍生春早瀟湘共海浮荒林庾信宅爲仗主人畱

王十五前閣會

楚岸收新雨。春臺引細風。情人來石上。鮮鱸出江中。鄰舍煩書

札。肩輿強老翁。病身虛俊味。

錢箋藝苑雌黃杜詩俊味亦有來處本草葫注云此物煮爲羹臘極

俊美何幸飫兒童

懷霸上遊

悵望東陵道。平生灞上遊。春濃停野騎。夜宿敞雲樓。離別人誰在。經過老自休。眼前今古意。江漢一歸舟。

熟食日示宗文宗武

消渴遊江漢。羈縻尚甲兵。幾年逢熟食。萬里逼清明。松柏邛

作

邛山路錢箋邛山在偃師縣北二里

風花白帝城。汝曹催我老

誤子美先塋在洛故有是句

回首淚縱橫

又示兩兒

令節成吾老。他時見汝心。浮生看物變。爲恨與年深。長葛書難得。江州涕不禁。團圓思弟妹。行坐白頭吟。

入宅三首

奔峭背赤甲。斷崖當白鹽。客居愧遷次。春色漸多添。花亞欲移竹。鳥窺新捲簾。衰年不敢恨。勝概欲相兼。

亂後居難定。春歸客未還。水生魚復浦。雲暖麝香山。樊作頂梳頭白過眉。拄杖斑相看。多使者。一一問函關。

宋玉歸州宅。雲通白帝城。吾人淹老病。旅食豈才名。峽口風常

急江流氣不平。祇應與兒子飄轉任浮生。

卜居

歸羨遼東鶴。吟同楚執珪。未成遊碧海。著處覓丹梯。雲嶂寬江
北。春耕破灤西。桃紅客若至。定似昔一作晉人迷。

暮春題灤西新賃草屋五首

久嗟三峽客。再與暮春期。百舌欲無語。繁花能幾時。谷虛雲氣
薄。波亂日華遲。戰伐何由定。哀傷不在茲。

此邦千樹橘。不見比封君。養拙干戈際。全生麋鹿羣。畏人江北
草。旅食灤西雲。萬里巴渝曲。三年實飽聞。

綵雲陰復白。錦樹曉來青。身世雙蓬鬢。乾坤一草亭。哀歌時自

惜醉舞爲誰醒。細雨持鋤立江猿。吟翠屏。
壯年學書劍。他日委泥沙。事主非無祿。浮生卽有涯。
高齋依藥餌。絕域改春華。喪亂丹心破。王臣未一家。

欲陳濟世策。已老尙書郎。未息豺狼鬪。空慚鴛鷺行。
時危人事

急

一作惡

風逆

一作急

羽毛傷落日。悲江漢中宵。淚滿牀。

過客相尋

窮老真無事。江山已定居。地幽忘盥櫛。客至罷琴書。
掛壁移筐果。呼兒閒一作問煮魚。時聞繫舟楫。及此問吾廬。

豎子至

檀梨纔綴碧。梅杏半傳黃。小子幽園至。輕籠熟柰香。
山風猶滿

把野露及新嘗欬枕

一作欲奇

江湖客提攜日月長

得舍弟觀書自中都已達江陵今茲暮春月末行李合到

夔州悲喜相兼團圓可待賦詩卽事情見乎詞

爾過

一作到

江陵府何時到峽州亂離生有別聚積病應瘳颯颯

開曉眼朝朝上水樓老身須付託白骨更何憂

喜觀卽到復題短篇二首

巫峽千山暗終南萬里春病中吾見弟書到汝爲人意答兒童

問來經戰伐新塵

一作

泊船悲喜後款款話歸秦

待爾曠烏鵲拋書示鵲鳩枝閒喜不去原上急曾經江閣嫌津

柳風帆數驛亭應論十年事

一作愁

絕始星星

舍弟觀歸藍田迎新婦送示兩篇

汝去迎妻子高秋念卻回。卽今螢已亂好與雁同來。東望西江

永

舊作水誤

南遊北戶開。卜居期靜處。會有故人杯。

楚塞難爲別

一作路

藍田莫滯留。衣裳判

平聲

白露鞍馬信。清秋滿

峽重江水開。帆八月舟。此時同一醉。應在仲宣樓。

園

仲夏流多水。清晨向小園。碧溪搖艇闊。朱果爛枝繁。始爲江山靜。終防市井喧。畦蔬繞茅屋。自足媚盤飧。

歸

東帶還騎馬。東西卻渡船。林中才有地。峽外絕無天。虛白高人

靜喧卑俗累牽他鄉闊一作遲暮不敢廢詩篇

聞惠二過東溪特一送

惠子白駒瘦歸溪唯病身皇天無老眼空谷滯斯人崖蜜松花

熟一作古山杯竹葉新一作春柴門了無生一作事黃綺未稱臣

月三首

斷續巫山雨天河此夜新若無青嶂月愁殺白頭人魍魎移深

樹蝦蟇動一作半輪故園當北斗直想一作照西秦

併照巫山出新窺楚水清羈棲愁裏見二十四回明必驗升沈

體如知進退情不違銀漢落亦伴玉繩橫

萬里瞿塘月春來六上弦時時開暗室故滿青天爽合風襟

靜高當淚臉。懸南飛有烏鵲。夜久落江邊。

晨雨

小雨晨光內。初來葉上聞。霧交纒灑地。風折一作逆旋隨雲暫起。

夜雨

小雨夜復密。迴風吹早秋。野涼侵閉戶。江滿帶維舟。通籍恨多病。爲郎忝薄遊。天寒出巫峽。醉別仲宣樓。

更題

祇應踏初雪。騎馬發荊州。直怕巫山雨。真傷白帝秋。羣公蒼玉佩。天子翠雲裘。同舍晨趨侍。胡爲淹此留。一作此

溪上

峽內淹留客。溪邊四五家。
古苔一作苔生迳一作徑。地秋竹隱疏花。
塞俗人無井。山田飯有沙。
西江使船至。時復問京華。

樹間

岑寂雙柑樹。婆娑一院香。
交柯低几杖。垂實礙衣裳。
滿歲如松碧。同時待菊黃。
幾回霑葉露。乘月坐胡牀。

白露

白露團甘子。清晨散馬蹏。
圃開連石樹。船渡入江溪。
憑几看魚樂。回鞭急鳥棲。
漸知秋實美。幽徑恐多蹊。

吾宗

吾宗老孫子質樸古人風耕鑿安時論衣冠與世同在家常早起憂國願年豐語及君臣際經書滿腹中

秋日寄題鄭監湖上亭三首

碧草違春意沅湘萬里秋池要山簡馬月靜一作淨庾公樓廕滅

餘篇翰平生一釣舟高唐寒浪滅髣髴識昭邱

新作湖邊宅還聞賓客過自須開竹逕誰道避雲蘿官序潘生拙才名賈傅多捨舟應卜地鄰接意如何

暫阻蓬萊閣終爲江海人揮金應物理拖玉豈吾身羹煮秋尊

滑杯凝一作迎露菊新賦詩分氣象佳句莫頻頻一作辭頻

社日兩篇

九農成德業百祀發光輝報效神如在馨香舊不違南翁巴曲
醉北雁塞聲微尙想東方朔詼諧割肉歸
陳平亦分肉太史竟論功今日江南老他時渭北童歡娛看絕
塞涕淚落秋風鴛鴦迴金闕誰憐病峽中

八月十五夜月二首

滿目飛明鏡歸心折大刀轉蓬行地遠攀桂仰天高水路疑霜
雪林棲見羽毛此時瞻白兔直欲數秋毫

稍下巫山峽猶銜白帝城氣沈全浦暗輪仄半樓明刁斗皆催

曉蟾蜍且自傾一作清非張弓倚殘魄不獨漢家營

十六夜翫月

舊挹金波爽皆傳玉露秋關山隨地闊河漢近人流谷口樵歸
唱孤城笛起愁巴童渾不寐錢箋本玉句草堂本作展半夜有行舟

十七夜對月

秋。月。仍。圓。夜。江。村。獨。老。身。捲。簾。還。照。客。倚。杖。更。隨。八。光。射。潛。虬。
虬動明翻宿鳥頻茅齋依橘柚清切露華新

九月一日過孟十二倉曹十四主簿兄弟

藜杖侵寒露蓬門起一作啟曙煙力稀經樹歇老困撥書眠秋覺
追隨盡來因孝友偏清談見滋味爾輩可忘年

孟氏

孟氏好兄弟養親惟小園承顏胼一作胼手足坐客強盤飧負米

夕一作寒葵外讀書秋樹根
卜鄰慚近舍訓子學誰一作門

孟倉曹步趾領新酒醬二物滿器見遺老夫

楚岸通秋屐胡牀面夕畦籍糟分汁滓寶醬落提攜飯糲添香味朋來有醉泥理生那免俗方法報山妻

送孟十二倉曹赴東京選

君行別老親此去苦家貧藻鏡留連客江山憔悴人秋風楚竹冷夜雪鞏梅春朝夕高堂念應宜綵服新

憑孟倉曹將書覓土叟舊莊

平居喪亂後不到洛陽岑爲歷雲山問無辭荆棘深北風黃葉下南浦白頭吟十載江湖客茫茫遲暮心

秋野五首

秋野日疏荒

一作荒

燕寒

江動碧

虛繫舟

蠻井絡

卜宅

楚村墟

棗熟

從人打

葵荒欲

自鋤

盤飧

老夫食

分

法減及

溪魚

曷識浮

生理難

教一物

違水深

魚極樂

林茂鳥

知歸

衰老甘貧

病榮華

有是非

秋風吹

几杖不

厭北山

薇

禮樂攻

吾短山

林引興

長掉頭

紗帽仄

曝背竹

書光風

落收松

子天寒

割蜜房

稀疏小

紅翠駐

屐近微

香

遠岸秋

沙白連

山晚照

紅潛鱗

輸駭浪

歸翼會

高風碁

響家家

發樵聲

箇箇同

飛霜任

青女賜

被隔南

宮

身許麒

麟畫年

衰鷺鷺

羣大江

秋易盛

空峽夜

多聞徑

隱千重

石帆畱一片雲兒童解變語不必作參軍

課小豎鋤斫舍北果林枝蔓荒穢淨訖移牀三首

病枕依茅棟荒鉏淨果林背堂資僻遠在野興清深山雉防求
敵江猿應獨吟洩雲高不去隱几亦無心

眾壑生寒早長林卷霧齊青蟲懸就日朱果落封泥薄俗防人
面全身學馬蹏吟詩重回首隨意葛巾低

籬弱門何向沙虛岸祇摧日斜魚更食客散鳥還來寒水光難
定秋山響易哀天涯稍曛黑倚杖獨一作徘徊

季秋蘇五弟纓江樓夜宴崔十三評事韋少府姪三首

峽險江驚急樓高月迴明一時今夕會萬里故鄉情星落黃姑

渚秋辭白帝城老人因酒病堅坐看君傾

一作塞悄悄憶京華清動

明月生長好浮雲薄漸遮悠悠照遠

一作邊

杯中物高隨海上槎不眠瞻白兔百過落

烏紗仇改作

對月那無酒登樓況有江聽歌驚白鬢笑舞拓秋窗樽蟻添相

續沙鷗竝一雙盡憐君醉倒更覺片心降

戲寄崔評事表姪蘇五表弟韋大少府諸姪

隱豹深愁雨潛龍故起雲泥多仍徑曲心醉沮賢羣忍待一作

江山麗還披鮑謝文高樓憶疏豁秋興坐氤一作氲

季秋江村

喬木村墟古疏籬野蔓懸素一作琴將暇日白首望霜天登俎

天時

詩

卷

七

五律

杜甫下

三

黃甘重支牀錦石圓遠遊雖寂寞難見此山川

小園

由來巫峽水本自楚人家客病留因藥春深買爲花秋庭風落
果灑岸雨頽沙問俗營寒事將詩待物華

自灑西荆扉且移居東屯茅屋四首

白鹽危嶠北赤甲古城東平地一川穩高山四面同煙霜淒野

日航稻熟天風人事傷蓬轉吾將守桂叢

東屯復灑西一種住清溪來往皆兼一作茅屋淹留爲稻畦市喧

宜近利林僻此無蹊若訪衰翁語須令賸客迷

道北馮都使高齋見一川子能渠細石吾亦沼清泉枕帶還相

似柴荆卽有焉。所畚應費日。解纜不知年。

牢落西江外。參差北戶閒。久遊巴子國。臥病楚人山。幽獨移佳

境。清深隔遠關。寒空見鷺鷥。迴首憶一作想朝班。

東屯北峴

盜賊浮生困。誅求異俗貧。浮生杜公自言平生爲盜賊所困異俗謂所居巴蠻異俗之地亦多貧民

也。空村唯見鳥。落日不一作未逢人。步壑風吹面。看松露滴身。遠

山回白首。戰地有黃塵。

從驛次草堂復至東屯茅屋二字無此二首

峽內歸田客。一作舍江邊借馬騎。非尋戴安道。似向習家池。一作

地險風煙僻。一作合天寒橘柚垂。築場看斂積。一學楚人爲。

短景難高臥，衰年強去。此身山家蒸栗煖，野飯射麋新。世路知
交薄，門庭畏客頻。牧童斯在眼，田父實爲鄰。

暫往白帝復還東屯

復作歸田去，猶殘穫稻功。築場憐穴蟻，拾穗許村童。落杵光輝
白，除一作殊芒子粒紅。加餐可扶老，倉廩慰飄蓬。

茅堂檢校收稻二首

香稻三秋末，平田百頃間。喜無多屋宇，幸不礙雲山。御挾侵寒
氣，嘗新破旅顏。紅鮮終日有，玉粒未吾慳。
稻米炊能白，秋葵煮復新。誰云滑易飽，老藉軟俱勻。種幸房州
熟，苗同伊闕春。無勞映渠盃，自有色如銀。

刈稻了詠懷

稻穫空雲水，川平對石門。
寒風疏草木，旭一作曉日散雞豚。
野哭初聞戰，樵歌稍出村。
無家問消息，作客信乾坤。

晚晴吳郎見過北舍

開畦新雨潤，愧子廢鉏來。
竹杖交頭拄，柴扉一作埽一作徑開。
欲棲

羣鳥亂未去，小童催明日。
重陽酒相迎，自醺醅。

九日五首

第一首七律第四首五排十
二句未鈔各本俱闕一首

舊日重陽日，傳杯不放杯。
卽今蓬鬢改，但愧菊花開。
北闕心長戀，西江首獨迴。
茱萸一作黃房賜朝士，難得一枝來。

舊與蘇司業

源兼隨鄭廣文

度采花香泛泛，坐客醉紛紛。
野樹

欵還倚秋碁醒卻聞歡娛兩冥漠一作西北有孤雲

秋峽

江濤萬古峽肺氣久衰翁不寐防巴虎全生狎楚童衣裳垂素髮門巷落丹楓常怪商山老兼存翊贊功

秋清

高秋蘇肺一作病氣白髮自能梳藥餌憎加減門庭悶掃除杖藜還客拜愛竹遣兒書十月江平穩輕舟進所如

峽隘

聞說江陵府雲沙靜一作淨眇然白魚如切玉朱橋不論錢水有遠湖樹人今何處船青山各一作若在眼卻望峽中天

曉望

白帝更聲盡陽臺曙色分高峰寒

一作初

上日壘嶺宿霾

一作未收雲

地坼江帆隱天清木葉聞荆扉對麋

鹿應共爾爲羣

搖落

搖落巫山暮寒江東北流煙塵多戰鼓風浪少行舟驚費義之

墨貂餘季子裘長懷報明主臥病復高秋

日暮

牛羊下來久

夕一作夕

各已閉柴門風月自清夜江山非故園石泉

流暗壁草露滴秋根

一作原頭白燈明裏何須花燼繁

耳聾

生年鷓鴣冠子歎世鹿皮翁眼復幾時暗耳從前月鷲猿鳴秋淚
缺雀噪晚愁空黃落鷺山樹呼兒問朔風

大歷二年九月三十日

爲客無時了悲秋向夕終瘴餘夔子國霜薄楚王宮草敵虛嵐
翠花禁冷葉一作藥紅年年小搖落不與故園同

十月一日

有瘴非全歇爲冬亦不難夜郎溪日煖白帝峽風寒蒸裏如千
室焦糖一作糖幸一杵茲辰南國重舊俗自相歡

孟冬

殊俗還多事方冬變所爲破甘同柑霜落爪嘗稻雪翻匙巫峽寒

都薄黔溪瘴遠隨終然減灘瀨暫喜息蛟螭

獨坐二首

竟日雨冥冥雙崖洗更清水花寒落岸山鳥暮過庭煖老思

一作

須燕玉充飢憶楚萍胡笳在樓上哀怨不堪聽

白狗斜臨北

錢箋水經注鄉口溪源出歸鄉縣東南數百里西

具足故以狗名峽與地純勝西峽崖龕中石隱起有狗形狀

白狗峽在秭歸縣東三十里黃牛更在東峽雲常照夜江月會

兼風曬藥安垂老應門試小童亦知行不逮苦恨耳多聾

悶

瘴癘浮三蜀風雲暗百蠻卷簾唯白水隱几亦青山猿捷長難見鷗輕故不還無錢從滯客有鏡巧催顏

反照

反照開巫峽寒空半有無已低魚復暗不盡白鹽孤荻岸如秋水松門似畫圖牛羊識僮僕既夕應傳呼

向夕

畝畝孤城外江村亂水中深山催短景喬木易高風鶴下雲汀近雞棲草屋同琴書散明燭長夜始堪終

晚

杖藜尋巷晚炙背近牆暄人見幽居僻吾知拙養尊朝廷問府主耕稼學山村歸翼飛棲定寒燈亦閉門

瞑

日下四山陰。山庭嵐氣侵。牛羊歸徑險。鳥雀聚枝深。正枕當星
劍。收書動玉琴。半扉開燭影。欲掩見清砧。

夜

絕岸風威動。寒房燭影微。嶺猿霜外宿。江鳥夜深飛。獨立一作坐
親雄劍。哀歌歎短衣。煙塵繞闔闔。白首壯心違。

雲

龍一作自以一作瞿塘會江依。白帝深終年。常起峽。每夜必通林。收穫
辭霜渚。分明在夕岑。高齋非一處。秀氣豁煩襟。

雷

巫峽中宵動。滄江十月雷。龍蛇不成蟄。天地劃爭迴。卻碾空山

過深蟠絕壁來何須妬雲雨霹靂楚王臺

朝二首

清旭楚宮南霜空萬嶺含野人時獨往雲木曉相參
俊鶻無聲過飢鳥下食貪病身終不動

終不動者謂鶻與鳥皆以農而動萬物皆靜極而動惟已因病終不

動也搖落任江潭

浦帆音泛晨初發郊扉冷未開林疏黃葉墜野靜白鷗來礎潤休
全溼雲晴欲半迴巫山冬可怪昨夜有奔雷

夜二首

白

一作向

夜月休弦燈花半委眠號山無定鹿落樹有驚蟬暫憶

江東繒兼懷雪下船蠻歌犯星起空覺在天邊

城郭悲笳暮村墟過翼稀甲兵年數久賦斂夜深歸暗樹依巖
落明河繞塞微斗斜人更望月細鵲休飛

戲作俳諧體遣悶二首

異俗吁可怪斯人難竝居家家養烏鬼

錢箋邵伯濫聞見錄夔

曹設牲酒於田間已而眾操兵大噪謂之養烏鬼養去聲長老
言地近烏蠻戰場多與人爲厲用以禳之沈存中疑少陵詩所
自也疏詩者乃以鷓鴣別名烏鬼予往來夔峽間問其人如存
中之言鷓鴣亦無別名蔡寬夫詩話云元微之江陵詩病賽烏
稱鬼巫占瓦代龜注云南人染病則賽烏鬼楚巫列肆悉賣龜
卜則烏鬼之名自見於此巴楚間常有殺人祭鬼者曰烏野七
頭神則烏鬼乃所事神名爾鷓鴣決非烏鬼當從元注也演繁
露元微之嘗投簡陽明洞有詩云鄉味猶珍蛤家神愛事烏乃
知唐俗真頓頓食黃魚舊識能爲態新知已暗疏治生且耕鑿
有烏鬼也

祇有不關渠

十一家詩法

卷之九

五律

杜甫下

卷

西歷青羌坂南畱白帝城於菟侵客恨
粃糲作人情
貞卜傳神
語畚田費火耕是非何處定
高枕笑浮生
自注頃歲自秦涉隴從同谷縣出游蜀畱

滯於巫山也

謁真諦寺禪師

蘭若山高處煙霞障
障一作障
幾重凍泉依細石
晴雪落長松
問法看詩妄
觀身向酒慵
未能割妻子
卜宅近前峰

奉送卿二翁統節度鎮軍還江陵

火旗還錦纜
白馬出江城
嘹唳吟
一作鳴
笳發蕭條別浦
清寒空
巫峽曙落日
渭陽情
一作明
畱滯嗟衰疾
何時見息兵

送田四弟將軍將夔州柏中丞命起居江陵節度使陽城

郡王衛公幕

離筵罷多酒起柁

舊作地

發寒塘回首中丞座馳牋異姓王燕辭

楓樹日雁度麥城霜定醉山翁酒遙憐似葛疆

玉腕

原注江陵節度衛公馬也

聞說荆南馬尚書玉腕驪驂颯赤汗踟躕顧長楸胡虜三年入乾坤一戰收舉鞭如有問欲伴習池遊

題柏大兄弟山居屋壁二首

叔父朱門貴郎君玉樹高山居精典籍文雅涉風騷江漢終吾老雲林得爾曹哀絃繞白雪未與俗人操

野屋流寒水山籬帶薄雲靜應連虎穴喧已去人羣筆架霑窗

八家詩鈔 卷十九
雨書籤映隙。曠蕭蕭千里。足箇箇五花文。

白帝樓

漠漠虛無裏。連連睥睨侵。樓光去日遠。峽影入江深。臘破思端綺。春歸待一金。去年梅柳意。還欲攪邊心。

白帝城樓

江度寒山閣。城高絕塞樓。翠屏宜晚對。白谷會深遊。急急能鳴雁。輕輕不下鷗。夷陵春色起。漸擬放扁舟。

有歎

壯心久零落。白首寄人閒。天下兵常鬪。江東客未還。窮猿號雨雪。老馬怯一作泣關山。武德開元際。蒼生豈重攀。

江漲自此以上皆寓居夔州雲安之詩

江發蠻夷漲山添雨雪流大聲吹地轉高浪蹴天浮魚鼈爲人得蛟龍不自謀輕帆好去便吾道付滄洲

人日

本題有二首下一首鈔入七律中。此下皆自夔州出峽至江陵及湖南之詩

元日到人日未有不陰時冰雪鶯難至春寒花較遲雲隨白水落風振紫山悲蓬鬢稀疏久無勞比素絲

巫山縣汾州唐使君十八弟冥別兼諸公攜酒樂相送率

題小詩畱於屋壁

臥病巴東久今年強作歸故人猶遠謫茲日倍多違接宴身兼杖聽歌淚滿衣諸公不相棄擁別借光輝

遠遊

江闊浮高棟

一作棟

雲長出斷山塵沙連越嶠風雨暗荆蠻雁矯

銜蘆內猿嘯失木間敝裘蘇季子歷國未知還

歸雁

聞道今春雁南歸自廣州見花辭漲海避雪到羅浮是物關兵氣何時免客愁年年霜露隔不過五湖秋

春夜峽州田侍御長史津亭留宴得筵字

北斗三更席西江萬里船杖藜登水榭揮翰宿春天白髮煩多酒明星惜此筵始知雲雨峽忽盡下牢邊

泊松滋江亭

紗幘隨鷗鳥。扁舟繫此亭。江湖深更白。松竹遠微青。一作還一柱

全應近高唐。莫再經今宵。南極外甘作老人星。

乘雨入行軍六弟宅

曙角凌雲亂

舊作罷

春城帶雨長。水花分塹弱。巢燕得泥忙。令弟

雄軍佐凡才。污省郎萍漂。忍流涕。衰颯近中堂。

上巳日徐司錄林園宴集

鬢毛垂領白。花蘂亞枝紅。欹倒衰年廢。招尋令節同。一作薄薄一作衣

臨積水吹面受和風。有喜畱攀桂。無勞問轉蓬。

宴胡侍御書堂

自注李尚書之芳
鄭秘監審同集

江湖春欲暮。牆宇日猶微。閣閣書籍滿。輕輕花絮飛。翰林名有

素墨客興無違今夜文星動吾儕醉不歸

和江陵宋大少府暮春雨後同諸公及舍弟宴書齋

瀟灑汗血種天上麒麟兒才士得神秀書齋聞爾爲棣華晴雨
好彩服暮春宜朋酒日歡會老夫今始知

暮春陪李尚書李中丞過鄭監湖亭泛舟得過字

海內文章伯湖邊意緒多玉樽移晚興桂楫帶酣歌春日繁魚
鳥江天足芰荷鄭莊賓客地衰白遠來過

夏日楊長甯宅送崔侍御常正字入京得深字

醉酒揚雄宅升堂子賤琴不堪垂老鬢還對欲分襟天地西江
遠星辰北斗深烏臺俯麟閣長夏白頭吟

江邊星月二首

驟雨清秋夜金波耿玉繩天河元自白江浦一作浦向來澄映物

連珠斷緣空一鏡升餘光隱更漏況乃露華凝

江月辭風檻一作檻江星別霧船雞鳴還曙色鷺浴自晴川歷歷

竟誰種悠悠何處圓客愁殊未已他夕始相鮮

舟月對驛近寺

更深不假燭月朗自明船金剝青楓外朱樓白水邊城烏嘯眇眇野鷺宿娟娟皓首江湖客鉤簾獨未眠

舟中

風餐江柳下雨臥驛樓邊結纜排魚網連檣竝米船今朝雲細

薄昨夜月清圓飄泊南庭老祇應學水仙

江漢

江漢思歸客乾坤一腐儒片雲天共遠永夜月同孤落日心猶壯秋風病欲蘇一作古來存老馬不必取長途

地隅

江漢山重阻風雲地一隅年年非故物處處是窮途喪亂秦公子悲涼一作楚大夫平生心已折行路日荒蕪

移居公安山館

南國晝多霧北風天正寒路危行木杪身迴一作宿雲端山鬼吹燈滅廚人語夜闌雞鳴問前館世亂敢求安

重題

前有哭李尚書之芳一首五排
十韻此曰重題亦仍弔李也

涕灑不能收哭君餘白頭兒童相識盡宇宙此生浮江雨銘旌

溼湖風井徑秋還瞻魏太子賓客減應劉

原注李公歷禮部尚書薨於太子賓客

哭李常侍嶧二首

一代風流盡修文地下深斯人不重見將老失知音短日行梅

嶺寒山

江一作

落桂林長安若箇伴

一作

猶想映貂金

青瑣陪雙入銅梁阻一辭風塵逢我地江漢哭君時次第尋書

札呼兒檢贈詩發揮王子表不媿史臣詞

黃鶴注常侍當是卒於嶺南歸葬長安公

逢於江漢開而哭之也

官亭夕坐戲簡顏十少府

官亭夕坐

戲簡

顏十

少府

五律

杜甫下

官

亭

南國調寒杵西江浸日車客愁連蟋蟀亭古帶蕪葭不返青絲
鞞虛燒夜燭花老翁須地主細細酌流霞

公安縣懷古

野曠呂蒙營

錢箋寰宇記公安縣有孱陵城十三州志曰吳大帝封呂蒙爲孱陵侯卽此地也入蜀記光孝寺後

有廢城髣髴尚存

江深劉備城

錢箋荆州記云劉備敗於襄陽南奔荆州吳大帝推爲左將軍

荆州牧鎮油口卽居此城時人號備爲左公故名其城公安也

水經注劉備之奔江陵使築而鎮之曹公聞孫權以荆州借備

臨岸倚前浦長嘯一含情

宴王使君宅題二首

漢主追韓信蒼生起謝安吾徒自漂泊世事各艱難逆旅招要

近他鄉思

一作意

緒寬不才甘朽質

高臥豈泥蟠

首二句謂韓信被追之際謝安

未起之日皆泥蟠而未大展其才之時也若吾徒則自漂泊耳

自逆旅耳自朽質耳豈復泥蟠者

比尚有飛騰變化之時乎

比尚有飛騰變化之時乎

自吟詩送老相對酒開顏戎馬

今何地鄉園獨舊

在一作山江湖墮清月酌酌任扶選

在一作山江湖墮清月酌酌任扶選

在一作山江湖墮清月酌酌任扶選

在一作山江湖墮清月酌酌任扶選

在一作山江湖墮清月酌酌任扶選

公安送李二十九弟晉肅入蜀余下沔鄂

正解柴桑纜仍看蜀道行檣烏相背發塞雁一行鳴南紀連銅

柱西江接錦城憑將百錢卜漂泊問君平

久客

羈旅知交態淹留見俗情衰顏聊自哂小吏最相輕去國哀王

粲傷時哭賈生狐狸何足道豺虎正縱橫

冬深

一作即日

花葉惟

從仇本舊作隨

天意江溪共石根。早霞隨類影。寒水各依痕。易

下楊朱淚。難招楚客魂。風濤暮不穩。捨棹宿誰門。

泊岳陽城下

江國踰千里。山城近

一作僅

百層岸。風翻夕浪舟。雪灑寒燈畱。滯

才難盡艱危。氣益增圖南。未可料變化。有鷗鷺。

纜船苦風戲。題四韻奉簡鄭十三判官。泛

楚岸朔風疾。天寒鷓鴣呼。漲沙蘊草樹。舞雪渡江湖。吹帽時時

落。維舟日日孤。因聲置驛外。爲覓酒家壚。

登岳陽樓

昔聞洞庭水。今上岳陽樓。吳楚東南坼。乾坤日夜浮。親朋無一字。老病有孤舟。戎馬關山北。憑軒涕泗流。

陪裴使君登岳陽樓

湖闊兼雲霧。樓孤屬晚晴。禮加徐孺子。詩接謝宣城。雪岸叢梅發。春泥百草生。敢違漁父問。從此更南征。

登白馬潭

水生春纜沒。日出野船開。宿鳥行猶去。叢花笑不來。人人傷白首。處處接金杯。莫道新知要。南征且未迴。

南征

春岸桃花水。雲帆楓樹林。偷生長避地。適遠更霑襟。老病南征

日君恩北望心百年歌自苦未見有知音

歸夢

道路時通塞江山日寂寥
偷生唯一老伐叛已三朝
雨急青楓暮雲深黑水遙
夢歸歸未得不用楚辭招

宿青草湖

洞庭猶在目青草纈爲名
宿槩依農事郵籤報水程
寒冰爭倚薄雲月遞微
明湖雁雙雙起人來故北征

宿白沙驛

元注初過湖南五里

水宿仍餘照人煙復此亭
驛邊沙舊白湖外草新青
萬象皆春氣孤槎自客星
隨波無限月一作景的的
近南溟

湘夫人祠

肅肅湘妃廟空牆碧水春蟲書玉佩薛燕舞翠帷塵晚泊登汀
樹微馨借一作借潛蘋蒼梧恨不盡染淚在叢筠

祠南夕望

百丈牽江色孤舟泛日斜興來猶杖屨目斷更雲沙山鬼迷春
竹湘娥倚暮花湖南清絕地萬古一長嗟

野望

納納乾坤大行行郡國遙雲山兼五嶺風壤帶三苗野樹侵江
闊春蒲長雪消扁舟空老去無補聖明朝

發潭州

夜醉長沙酒曉行湘水春岸花飛送客檣燕語留人賈傅才何
一作未非有楮公書絕倫高名前後事回首一傷神元注楮公丞微未放此州

雙楓浦

輟棹青楓浦雙楓舊已摧自驚衰謝力不道棟梁材浪足浮紗
帽皮須截錦苔江邊地有主暫借上天迴

入喬口

原注長沙北界

漠漠舊京遠遲遲歸路賒殘年傍水國落日對春華樹密早蜂
亂江泥輕燕斜賈生骨已朽悽惻近長沙

銅官渚守風

不夜楚帆落避風湘渚閒水耕先漫草春火更燒山早泊雲物

晦逆行波浪。豈飛來雙白鶴。過去齊難攀。

衡州送李大夫七丈勉赴廣州

斧鉞下青冥。樓船過洞庭。北風隨爽氣。南斗避文星。日月籠中鳥。乾坤水上萍。王孫丈人行。垂老見飄零。

江閣對雨有懷行營裴二端公

南紀一作極風濤壯。陰晴屢不分。野流行地日。江入度山雲。層閣

憑雷殷。長空面水文。一作紋雨來銅柱北。應一作竟洗伏波軍。

江閣臥病走筆寄呈崔盧兩侍御

客子庖廚薄。江樓枕席清。衰年病祇瘦。長夏想爲情。滑憶一作喜

雕胡飯。香聞錦帶羹。酒匙兼煖腹。誰欲致杯罍。

潭州送韋員外迢牧韶州

炎海韶州牧，風流漢署郎。分符先令望，同舍有輝光。白首多年疾，秋天昨夜涼。洞庭無過雁，書疏莫相忘。

酬韋韶州見寄

養拙江湖外，朝廷記憶疏。深慚長者轍，重得故人書。白髮絲難理，新詩錦不如。雖無南去雁，看取北來魚。

樓上

天地空播首，頻拙白玉簪。皇輿三極北，身事五湖南。戀闕勞肝肺，論一作材愧杞柁。亂離難自救，終是老湘潭。

晚秋長沙蔡五侍御飲筵送殷六參軍歸澧州覲省

佳士欣相識。慈顏望遠遊。甘從投轄飲。何作置當作書郵。高鳥
黃雲暮。寒蟬碧樹秋。湖南冬不雪。吾病得淹留。

北風

北風破南極。朱鳳日威垂。洞庭秋欲雪。鴻雁將安歸。十年殺氣
盛。六合人煙稀。吾慕漢初老。時清猶茹芝。

舟中夜雪有懷盧十四侍御弟

朔風吹桂水。朔一作大雪夜紛紛。暗渡南樓月。寒深北渚雲。燭斜
初近見。舟重竟無聞。不識山陰道。聽雞更憶君。

對雪

北雪犯長沙。胡雲冷萬家。隨風且闕一作開。葉帶雨不成。花金錯

囊垂

一作從

罄銀壺酒易賒無人竭浮蟻有待至昏鴉

歸雁二首

萬里衡陽雁今年又北歸雙雙瞻客上一一背人飛雲裏相呼
疾沙邊自宿稀繫書元浪語愁絕一作故山薇

欲雪違胡地先花別楚雲卻過清澗影高起洞庭羣塞北春陰
暮江南日色曛傷弓流落羽行斷不堪聞

送趙十七明府之縣

連城爲寶重茂宰得才新山雉迎舟楫江花報邑人論交翻恨
晚臥病卻愁春惠愛南翁悅餘波及老身
奉酬寇十侍御錫見寄四韻復寄寇

往別郇瑕地於今四十年來簪御府筆故泊洞庭船詩憶傷心
處春深把臂前南瞻按百越黃帽待君偏

暮秋將歸秦畱別湖南親友

水闊蘆梧野一作晚天高白帝秋途窮那免哭身老不禁愁大府
才能會諸公德業優北歸衝雨雪誰憫做貂裘

十八家詩鈔卷十九

襄校